



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**Name of School** : MARYKNOLL CONVENT SCHOOL (SECONDARY SECTION)  
**學校名稱** : 瑪利諾修院學校  
**Name of Play 劇名** : 疫流  
**Script writer 劇作者** : 蔡芍瑩、陳寶懿、陳貝懿 (學生)

**Synopsis 故事大綱：**

疫 情下，缺乏溝通與信任成了社會中的主  
流。嗚嗚對這風氣深感不滿，成了一股  
逆 流。她希望世界能回復以前那麼和睦，溝通、信任不  
流 逝。

嗚嗚使勁掙扎，卻被標籤為「病原體」，被排擠、嫌棄。面對各方壓力，她這股「逆流」，能否堅持自我？或是被吞噬，消失殆盡？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

## Prologue

[ 熙琳、芷祺、Charlotte、阿楠、媽媽和妹妹 in ] [BG1:鳴鳴屋企 1]

(熙琳、芷祺、Charlotte 和阿楠係鳴鳴屋企睇電話。)

阿楠：(翹腳，向後挨玩電話)(咬手指甲)(拍枱)喂，點啊？鳴鳴嚟唔嚟？大佬啊等咗佢成廿分鐘啦！

Charlotte：係囉，佢好少會遲嚟…(向阿楠)呢條片咁搞嘢嘅，咁都得？(笑死)

熙琳：佢返緊嚟喇！

媽媽：(係廚房走出來，遞上嘢飲)唔好意思呀！要你哋係度等咁耐。你哋需要可以自己攞啲飲，唔使客氣。

(向妹妹)(變臉)嗰衰女包點樣嚟，居然要啲朋友仔係到等佢…

(妹妹係度睇電視新聞。)

[ 新聞報導員 in ] [BG2:新聞報導]

新聞報道員：A 國出現首宗疑似新型病毒病例，病人正係接受隔離。病人出現發燒…

妹妹：(熄電視) [ 新聞報導員 out ] 家姐會唔會去咗探人啊

媽媽：唉！肯定又係個班窮鬼。如果佢讀書好似你咁(停頓)就好啦。

[ 鳴鳴 in ]



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(門開，鳴鳴跑入屋企。)

鳴鳴：(喘氣) sorry 啊。啱啱去咗做義工，返嚟截唔到的士，sorry——

媽媽：(cut 鳴鳴) 又咁遲，自己招呼啲同學啦。我要送你阿妹去面試，走先喇。鳴鳴：阿妹加油啊！

(揮手) 拜拜！

[ 媽媽和妹妹 out ]

(媽媽和妹妹離開。朋友繼續望電話，鳴鳴好似啲透明人咁。)

鳴鳴：(向朋友們，大聲地) 哈——囉——我——返——嚟——啦！

芷祺：(望到鳴鳴，放低電話，拖住鳴鳴隻手) 噢！你返嚟喇！快啲過嚟啦！（轉頭向其他朋友）

阿楠：(繼續望電話，見到餐廳廣告) 勁肚餓——早知要等咁耐，就食埋下午茶先過嚟…

(芷祺拉一拉阿楠衣服，示意她不要再說。)

芷祺：主角今日生日，大家就唔好咁計較。

阿楠：講事實啫。都唔明你點解成日咁鬼死鍾意去啲污糟邈邊嘅地方探人，晒曬啲時間。

鳴鳴：我覺得幫人唔使分得咁仔細——

熙琳：(假裝咳嗽) 我哋玩 deal 卡好唔好啊？鳴鳴：好啊，我去攞下先。

[ 鳴鳴 out ]



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(鳴鳴去搵 deal 卡，擺好晒啲牌，但係眼見所有朋友仲係度睇電話。)

[ 鳴鳴 in ]

鳴鳴：搞掂（拍手），邊個先啊？（鳴鳴搓手，期待）

(無人回應鳴鳴。)(鳴鳴托頭)

Charlotte：(指著電話) OMG！我最愛嘅睿知 BB 套戲出左特別版啊（眼睛發光）！

阿楠：(打斷鳴鳴) 哦— 佢呀嘛，我知啊！近排勁 heat 嗰個女神，(看 Charlotte 手機) 佢係呢戲套做… 哦— 墨菲啊嘛，好似鳴鳴咁鍾意（fing 頭）搞下呢搞下路（呀嘛）——

Charlotte：唔係啊！呢啲叫幫人，好似佢本人咁有愛心！

鳴鳴：(好似把握到機會咁，拍一下手) 不如就睇個套喇，Charlotte 邊度有得睇啊？

(Charlotte 一直篤機，無聽到鳴鳴叫佢。)

熙琳：(搖 Charlotte 隻手) HEY！Charlotte！

Charlotte：(原本冇表情篤機，聽到此刻好 chok 咁轉身過嚟，挑眉) 咩事？(停頓) Oh！無問題！我早就搵到套戲，仲要係超高清 4K 添！

阿楠：(咳) 不過爭咗個大熒幕囉，無咩 feel。

Charlotte：feel 呢啲嘢可以自己整，學下嘢啦。

(Charlotte 連接電話去電視，芷祺熄燈，鳴鳴預備拿出一堆零食，阿楠驚訝，電影開始播放。)